

† Sier Alvise Benedeto di sier Do-	
menego	ducati 400
Sier Carlo Capello, azonze . .	» 200
Sier Giacomo Arimondo, azonze .	» 200
† Sier Giacomo Dolfin qu. sier Alvise,	
qu. sier Dolfin	» 150
† Sier Giacomo Foscari qu. sier Ni-	
colò	» 200
Sier Francesco Zen di sier Alvise	» 100

Electo provedador a Vegia.

- † Sier Marco Antonio da Canal, fo capitano a Baruto, qu. sier Francesco.
 Sier Zacaria Morexini qu. sier Nicolò da San Zuane novo.
 Sier Antonio Lion, fo di Pregadi, qu. sier Piero non Sier Filipo Morexini, fo patron in Fiandra, qu. sier Andrea.

Capitano a Baffo.

- non Sier Lucha da cha da Pexaro, fo auditor vechio, qu. sier Bortolamio.
 † Sier Zusto Contarini, fo Cao di XL, qu. sier Lorenzo dopio.
 Sier Sebastian Trivisan, fo Cao di XL, qu. sier Baldisera.
 Sier Zusto Contarini, dopio.

Camerlengo in Cipri.

- Sier Francesco Querini qu. sier Hironimo, fo postestà a Malamocco.
 Sier Carlo Capello, fo savio ai ordeni, qu. sier Francesco el cavalier.
 Sier Giacomo Arimondo, fo a la custodia di Padoa con homeni 10, de sier Andrea.
 † Sier Alvise Benedeto, fo Cao di XL, di sier Domenico.

Due Cinque di la Paxe.

- Sier Salamon Valier qu. sier Maximo.
 Sier Polo Zorzi di sier Fantin da San Salvador.
 Sier Julio Donado, fo a l'Insida, di sier Tomà.
 † Sier Giacomo Dolfin qu. sier Alvise, qu. sier Dolfin.
 Sier Francesco Navajer, executor, di sier Michiel.
 Sier Marco Gixi, fo camerlengo a Ruigo, qu. sier Marco.

- † Sier Nadal Venier, fo camerlengo a Treviso, de sier Pelegrin.
 Sier Piero Cocho di sier Zuan Alvise, qu. sier Marin.

Uno dil Consejo di XL criminal.

- Sier Nicolò Bolani *el grando*, di sier Zuanne.
 † Sier Giacomo Foscari qu. sier Nicolò, qu. Serenisimo.
 Sier Francesco Zen, fo savio ai ordeni, di sier Alvise.
 Sier Giacomo Simitecolo qu. sier Alexandro.

Fu posto, per li Consieri, una parte presa in Pregadi a di 7, *videlicet*: se atrova castelan nel loco de Peschiera, mandato per la Signoria nostra, el nobel homo Marco Contarini qu. sier Tadio qu. sier Andrea el procurator, qual zà mexi tre serve con grande fede et cura la Signoria nostra per conservare quel importantissimo loco, non perdonando ad alcuna vigilia nè fatica, non obstante che de ducati 45 al mexe che ha li castelani ordinari, lui habia *solum* ducati 25 al mese, come hora l'ha per spese. *Unde*, non se trovando in queste adverse occorrentie alcuno che volentieri vadi in quel locho, è ben conveniente a l'justo instituto di la Republica nostra, servendo esso zentilhomo in questi sinistri et pericolosi tempi, proveder ch'el possi partecipar *etiam* de li tempi quieti e tranquilli, come se die sperar ne la Divina Clementia che presto habia ad esser, et però l'anderà parte: che per auctorità de questo Consejo, sia concesso al soprascrito sier Marco Contarini poter continuar in la dita castelanaria de Peschiera per uno rezimento, principiando el tempo e il zorno del suo intrar in quel rezimento per nome de la Signoria nostra, con la provision di ducati 25 al mexe che l'ha de presente solamente per spese; et non se intendi la presente parte presa se la non sarà posta et presa nel nostro Mazor Consejo. Ave in Pregadi, 128 de sì, 43 di no, et ozi in Gran Consejo 17 non sincere, 354 di no, 837 di sì, et fo presa. Et fo pessima e dolorosa stampa non solita a farsi in questa republica.

Et confesso, io Marin Sanudo vulsi contradirla et saria stà preso, ma non vulsi per certo mio rispetto, et *satis*.

A di 11. La matina, sier Francesco Falier, eleto provedador a trovar danari, eri introe; ma il collega sier Alvise da Molin è sferdito et non vien fuora di casa.